

重修廣平府志卷六十二

志餘上

祥瑞

外紀

雜稽

祥瑞

漢

明帝永平十七年春正月甘露降於甘陵

後漢書明帝紀舊志誤作

清河

和帝永元

舊志誤作永興

十六年四月戊午客星從紫宮西行

至昴

後漢書天文志九度客星至昴此清河王子安帝即位之兆

案晉書天文志清河入昴

案舊志載有晉武帝泰始年甘露降於清河五年鳳

凰見於趙國成帝咸甯元年清河甘露降二年清河

木連理考晉書五行志及本紀均無此文據地理志
韻編晉時趙國在今趙州高邑縣西南與府境無涉
紀元編成帝年號曰咸和咸康而咸甯則武帝年號
也舊志舛誤概爲刪除

北魏

太祖天興四年五月魏郡斥邱獲白鹿王者惠及下則

至

魏書靈
徵志

太宗永興二年十月嘉禾生於清河郡

孝靜帝天平二年四月臨水木連理三年五月司州上
言清河郡木連理四年六月廣平郡上言木連理

武定元年正月廣宗郡獻白雉

三年五月廣宗郡獻白鳥

俱同上

案舊志高祖延興八年齊州清河郡獻白雉世宗延昌二年甘露降於齊州清河考地理志韻編齊州清河在今山東濟南府境不錄又北齊書天保年醴泉出於清河查史書不載附記之

宋

太宗太平興國四年七月洺州獻嘉禾

宋史五行志

五年八月知慈州張愈獻合穗禾

清化四年

舊志誤作端拱二年

邯鄲縣民鄭安妻一產三男

眞宗咸平二年七月洺州嘉禾合穗

景德四年七月貝州嘉禾合穗

大中祥符七年邯鄲縣民馬文田禾隔隴合穗者二本
九月貝州嘉禾合穗

天禧四年平恩縣民劉順妻一產三男

仁宗景祐元年七月九月磁州嘉禾合穗

神宗熙甯十年磁州禾合穗

哲宗元祐二年磁州禾異畝同穎

三年磁州禾合穗

俱同上

案舊志太祖乾德四年洺州嘉禾一莖三穗開寶五

年貝州嘉禾合穗太宗太平興國年貝州貢紅鵲至
道元年白鵲見於貝州查宋史五行志及本紀均
無此文未知舊志何據附記備考

金

章宗明昌初年磁州人劉軌家池中有蓮一莖十三花

舊志 元陳儼詩劉郎種得不計年庭前池水清且漣
當年長出玉井蓮中有脈脈春無邊一莖秀出十三葩
錦絲嫵媚凌輕煙初疑武夷山中會真仙霓旌羽蓋雙
雲駢雲舒霞捲接後先又疑金像如來應世緣六七妙
相見福田化身要見百億千本來一莖生一花似此嘉
祥豈偶然天地造物豈有意君家效靈乃爾偏此花始
生明昌前品題已竟多名賢淦陽溫和水有源君家第
宅居其邊伯氏仲氏齊飛騫一門煒煌圭組聯恨無大
筆如修椽爲君別賦祥蓮篇 王輝詩遙遙觀卿臺近
接槐西圃劉君久卜築林野蔽亭宇貯藏物外春祥蓮

發深渚一莖十三葩雙頭並無語風流勝六郎洗豔疑
素女褰帷對佳麗淩波看微步封疏奏禎祥觀者爭相
語氣和物自盛事異世希覩有君遺澤深馬服乃鼻祖
諸郎藉餘芳俊乂何楚楚起家漢賢良接踵漢渠府一
門藹情芳輝聯富簪組爲
君續夷堅作詩播今古

四年洺州野蠶成繭

金史五行志

泰和二年八月磁州鼓山石聖臺有大鳥十集於臺上

其羽五色爛然皆以爲鳳凰也留二日西北去

同上泰和四年

年六月磁州鼓山北石聖臺鳳凰見鳳從東南來衆鳥
周圍之大者近內小者在外以萬萬計民懼爲官司所
擾謀逐去之驅牛數十頭擊柝從之牛未至二里許有
鷺鳥振翼而起翼長丈餘下擊二水牯肉盡見骨水牯
卽死於是衆始報官鳳凰高丈餘尾作鯉魚狀而色殷
九子差小翼其旁鳳爲日影所照則有二大鳥更迭盤
旋鹿廕之至日入則下留三日乃從西北摩空而上鳳
去後人視其處有鯉魚重五六十斤者食餘尚有數頭

臺旁禽鳥翼兩溝皆滿小禽不敢飛動餓死者不可勝計村民疑臺下有異私掘之三尺餘石罅中直插金劍一取不能盡擊折得其半以火煨欲分之劍見火化金蟬散飛而去 癸辛雜識據此文年月與史書不合未知孰是

案舊志載有元世祖中統六年恩州進嘉禾考地理志韻編元時恩州在今山東恩縣境不錄

明

宣宗宣德九年磁州西佐里獲白兔

舊志參磁州志

世宗嘉靖十年祥瓜生於曲周縣丞侯廷訓宅繪圖獻

詔賜帛

康熙志參舊志

二十三年春正月廣平縣儒學明倫堂有烏銜赫蹏挂

槐樹上色正黃招搖類旗旄邑久無進士是歲馬快登

第或謂此兆也

舊志參廣平志

二十五年雞澤縣學宮生連理槐

康熙志

二十六年芝產於府學明倫堂梁木其色如金

同上

三十九年冬十二月曲周冰紋如花樹

曲周志

穆宗隆慶元年廣平獲異鳥白鰲色大如羊高三尺磁

州城隍廟產靈芝六年肥鄉學宮冰紋成花樹

康熙志參舊志

神宗萬曆二年肥鄉勒馬莊李姓婦一產六子趙姓婦

一產三男

同上

七年磁州城隍廟梁復產靈芝莖如白玉色如紫金叩

之有聲

舊志參
磁州志

八年秋磁州穀有一穗兩歧至三四歧者

磁州志

三十三年邯鄲縣北五里寺內殿柱產靈芝一本高尺

餘五色熒煌夜可照丈許因名靈芝寺

邯鄲縣志

三十七年肥鄉芝產於文殊寺

舊志

四十二年甘露降於永年

熹宗天啟元年三月永年盧氏園產芝

四年永年劉氏園產芝

俱同上

莊烈帝崇禎五年芝產於肥鄉又成安說法臺達摩坐側生蘆葦一莖逾日充棟重興殿閣復產芝大如碗

康熙

志參成
安志

八年成安野蠶成繭

同上

十年肥鄉馬產雙駒

舊志

永年胡鯉廳事梁上產芝七連三歲皆然知府程世昌

題其額曰七芝堂

康熙志
參舊志

肥鄉張驥中宏治己酉科張學顏中嘉靖己酉科張錫

祚中萬厯己酉科祖孫相繼其應不爽

舊志參
肥鄉志

永年胡瓚中宏治癸丑科胡應文中嘉靖癸丑科胡沾

恩中萬厯癸丑科應文瓚從姪沾恩瓚族孫

舊志參
永年志

永年申儲申僑嘉靖戊午科兄弟同榜盧大謨盧大順

杜廕杜縻萬厯丙子科兄弟同榜申靈允申爲憲萬厯
乙卯科叔姪同榜胡士偉胡福宏天啟辛酉科祖孫同
榜劉鏡劉鑑天啟甲子科從兄弟同榜張五美舉萬厯
乙酉鄉試子鴻基舉順治乙酉鄉試胡福宏以天啟辛
酉壬戌聯捷子芝發以順治乙酉丙戌聯捷同
永年宋學道與相州冀述冀體同學室供魁神像一日
夜讀久之各就寢忽見壁有光色正綠閃閃不定衆乃
祝曰卽奎光可見斗言畢而斗見衆又祝曰卽斗可見
星光隨散爲五如星數衆大異之次年萬厯丙戌體成
進士又十二年戊戌述成進士至庚戌學道成進士蓋

成祥也

宋學韶
奎光志

國朝

順治九年肥鄉產嘉禾成安城下烏龍見

康熙志

十年威縣城隍廟柏樹有一幹自東北向西南挺出忽一株直上叢葉如松人咸以爲瑞柏邑令龍納銘紀其

異

威縣志

十二年威縣城北寺莊集壕內水於冬月結成草木花卉之形歷歷如畫鄉人聚觀累日識者以爲人文之瑞

同上

康熙五年雞澤城壕荷花並蒂

雞澤志稟

十五年清河民鄭甲第妻宋氏壽登一百二十歲縣令

盧士傑旌其門曰壽母重甲

畿輔通志

十六年雞澤城東麥一莖兩穗

同上

五十二年曲周麻房彥妻齊氏一產三男

畿輔通志

五十九年邯鄲王姓婦一產三男磁州開河村岳家驢

生雙駒

舊志

邯鄲張澍尙書國彥曾孫康熙癸未年九十三

鑾輿南巡設

行幄於其家清問者久之人以爲榮又五十二年恭逢

萬壽畿民八十以上者皆詣

闕稱觥邯民與者五人武之烈年八十九耿遂眞年八十

三王啟建常眞俱八十二才明良年八十一邯鄲志稟

雍正六年威縣瑞麥雙穗舊志

曲周王鄰王鄖康熙庚戌科兄弟同榜永年冀棟冀桀

康熙乙未科兄弟同榜冀方然冀方燕雍正癸卯科兄

弟同榜舊志參永年曲周志武汝清舉道光乙酉鄉試姪孫延緒

舉光緒乙酉鄉試是年汝清八十二歲重赴鹿鳴 賞

加二品銜採訪冊

乾隆六年威縣郭姓妻一產三男舊志

八年廣平增生韓珊舉鄉飲介賓年九十歲五世同堂

採訪冊

五十年威縣民范三美年八十七磁州民張明龍年八

十均以五世同堂旌表

畿輔通志

五十四年永年生員喬庚辛五世同堂伊父監生喬文源存年八十五旌表

六十年永年李保忠壽登九十預宴千叟

恩賜頂戴銀牌黃緞龍頭杖並盛世龐眉匾額

俱同上

嘉慶初年磁州周太壽逾百歲咸稱人瑞又有吳得位

壽九十七行不持杖時號鐵柱老人

磁州續志

六年成安侯金貴五世同堂旌表

成安志紀

直隸鳳平府志卷之二十二
十二年磁州城東南隅壕中蓮一莖兩歧雙花並茂

磁州

續志

十七年邯鄲姬孝宗妻一產三男

邯鄲志稟

道光二年肥鄉路蘭妻一產三男

肥鄉志

咸豐末年永年劉安智壽登八十六有子四人孫枝蕃

衍身見七代

採訪冊

同治九年夏磁州城西北隅池蓮一莖三花秋皆成房

磁州續志

十年磁州生員王化成田內麥秀一莖三穗秋穀一莖

三穗軍營村黃修身田內穀秀雙歧者極多兼有一莖

三穗是年收穫倍常

同上

光緒元年曲周安作玉妻李氏一產三男

畿輔通志參縣志

十二年武大賓壽登八十五夫婦齊眉子四人孫

十人目孫九人元孫二人五世同堂有贈楹聯云八旬

復五春夫婦齊眉真樂事雙慶晉三祝曾元繞膝是福

人

採訪冊

十四年曲周賈連清妻孟氏一產三男

曲周縣志

十九年永年宋德中母王氏年九十餘有子一孫一曾

孫二元孫一五世同堂少長咸知禮讓鄉黨匾其門

採訪冊

採訪冊